



Pou Piblikasyon Imedya: 9/11/2022

GOUVÈNÈ KATHY HOCHUL

GOUVÈNÈ HOCHUL ANONSE ACHEVMAN PWOJÈ 11.8 MILYON DOLA POU RANPLASE PON STATE ROUTE 8 NAN VIL UTICA

Nouvo pon ki gen plizyè pout sou State Route 5 ak 12 yo pral ranfòse sekirite ak mobilite sou wout prensipal vwayaj la, ki konekte Utica ak Vil New Hartford nan Konte Oneida

Gouvènè Kathy Hochul te anonse jodi a ke gwo konstriksyon an te fini sou yon pwojè 11.8 milyon dola pou ranplase pon ki transpòte State Route 8 sou State Route 5 ak 12 nan Vil Utica. Pwojè a te ranplase estrikti anvan an, ki te bati an 1960, avèk yon pon modèn ki gen plizyè pout ki pral amelyore sekirite ak mobilite sou yon wout vwayaj kle ki konekte Utica ak Vil New Hartford ak yon koridò vital pou sikilasyon moun ak komès nan Konte Oneida ak tout Mohawk Valley. State Route 8 se yon wout vwayaj kle ki sipòte plizyè biznis lokal ak sant vant an detay epi ke otomobilis k ap chèche rive nan Southern Tier, Adirondacks ak Thruway Eta New York souvan itilize.

"Eta New York ap pran mezi solid pou transfòme enfrastrikti nou ak re-imagine sa yon sistèm transpò modèn vle di pou Mohawk Valley", **Gouvènè Hochul te deklare**.

"Amelyorasyon sa yo sou koridò State Route 8 nan Utica pral rann li pi fasil pou moun ak machandiz yo rive kote yo bezwen ale san danje epi ak mwens reta".

Pwojè a ki te lanse nan prentan 2021 te kreye yon nouvo pon avèk de trave ki gen yon distans vètikal 16 pye 3 pou - prèske 2 pye pi wo pase estrikti orijinal la. Pwojè a te refè sifas ranp yo ki mennen ale ak soti nan Route 8 ansanm ak kèk pati nan Route 5 ak 12 toupre pon an. Yo te enstale tou nouvo siyalizasyon ak ekleraj. Malgre gwo konstriksyon an te fini, gen ti travay pou fini toujou k ap fèt epi otomobilis yo ta dwe toujou atann ak fèmti vwa okazyonèl nan tou de direksyon yo pandan semèn k ap vini yo.

Pou otomobilis lokal yo, re-ouvèti echanj sa a pral fasilite vwayaj nan sant vant an detay ki tou pre yo sou Commercial Drive (State Route 5A)jis a tan pou fè acha nan magazen nan jou ferye yo. State Route 5, 8, ak 12 yo fè pati tou yon gwo koridò kagezon pou Mohawk Valley ki ede sipòte plizyè biznis nan zòn nan, tankou Chobani, Fed Ex ak UPS.

Achèvman pwojè pon State Route 8 la ap bati sou siksè dènye pwojè Depatman Transpò Eta New York nan Vil Utica, ki gen ladan pwojè Amelyorasyon Sekirite Route 5S ak pwojè Wout pou Pyeton Bagg's Square-Harbor Point nan Vil Utica. Pwojè konstriksyon sa yo te sèvi pou sipòte revitalizasyon ekonomik anba lavil Utica, te bay yon novo pasrèl kominotè atiran, ogmante mobilite pou siklis, pyeton ak otomobilis, epi ankouraje sante piblik.

Komisè Depatman Transpò Eta New York Ia, Marie Therese Dominguez, te deklare, "Achèvman pwojè ranplasman pon sa a se yon lòt gwo etap pou Vil Utica ak tout Mohawk Valley. Nouvo pon sa a sou State Route 8 la pral amelyore vwayaj epi ede konekte kominote yo atravè Mohawk Valley, sa ki demonstre yon lòt fwa ankò angajman Depatman Transpò a pou konstwi yon rezò transpò ki pi rezistan ki satisfè bezwen tout Nouyòkè yo".

Senatè Chuck Schumer te deklare, "Pandan twò lontan, koneksyon sa a ant Utica ak New Hartford te rete an move eta, men gras a lajan federal mwen te sekirize pou New York atravè lwa sou enfrastrikti ak fon sekou COVID, Mohawk Valley kounye a gen pasrèl modèn nan anba lavil Utica ke li merite depi lontan. Soti nan Adirondack Bank Center rive nan novo restoran ak apatman k ap parèt anba lavil la - se yon moman enteresan pou Vil Utica epi mwen fyè dèské m te ede nou bati pon an pou yon avni ki pi briyan".

Senatè Eta a, Joseph A. Griffó, te deklare, "Mwen kontan dèské gwo konstriksyon pou ranplase pon Sate Route 8 nan Vil Utica te fini. Nouvo pon sa a pral amelyore mobilite, amelyore sekirite, pi byen konekte katye yo epi ede ankouraje opòtinite ekonomik nan rejon an".

Manm Asanble, Marianne Buttenschon te deklare, "Nou kontan anpil pou nou wè pwojè amelyorasyon enfrastrikti empòtan sa a ap fini. Pandan n ap wè novo biznis k ap enstale yo ak kontinye devlope nan Mohawk Valley, li empòtan pou nou gen wout vwayaj ki sekirité, modèn ak aksesib".

Manm Asanble Brian D. Miller, te deklare, "Achèvman yo t ap tann anpil pou pon an ki transpòte State Route 8 sou State Route 5 ak 12 se yon evènman ki byenvini. Envestisman nan enfrastrikti 11.8 milyon dola sa a nan zòn New Hartford ak Utica vle di anpil pou rezidan, biznis ak komès nan zòn nan. Li se yon konektè trè frekante tou pou otomobilis k ap vwayaje nan nò pou ale nan Adirondacks, nan sid pou ale nan Southern Tier epitou k ap antre oswa kite New York State Thruway. Envestisman nan enfrastrikti nou an esansyèl pou kwasans ekonomik kontinye nan zòn nan epi tou pou amelyore aksè a sèvis pou rezidan yo ak amelyore sekirite jeneral pou otomobilis yo. Mwen remèsyé Depatman Transpò Eta New York (New York State Department of Transportation, NYS DOT) la pou travay yo sou pwojè sa a".

Chèf Egzekitif Konte Oneida, Anthony J. Picente Jr, te deklare, "Mwen kontan dèské pwojè pon State Route 8 la fini epi kounye a gen yon vwayaj ki pi an sekirite epi ki pi efikas sou youn nan wout ki pi frekante nan Konte Oneida. Koridò sa a sou State

Route 12 ak 5 ki konekte Utica ak New Hartford se yon wout vwayaj enpòtan pou rezidan ak vizitè rejyon sa a. Li konekte plizyè milye chofè ak biznis ak sèvis kle chak jou epi mwen remèsyé NYS DOT pou bon travay li fè nan mete l nan yon nouvo estanda".

Sipèvizè Vil New Hartford, Paula A. Mahan, te deklare, "Se te yon amelyorasyon enfrastrikti ki nesesè pou yon wout vwayaj kle nan zòn nou an. Sa non sèlman kle pou avni amelyorasyon enfrastrikti nou yo, men tou pote sekirite pou rezidan ak vizitè nou yo nan vil nou an".

Majistra Utica a Robert M. Palmieri te deklare, "Avèk reparasyon pon State Route 8 la, n ap kontinye konekte kominote nou yo epi konstwi yon enfrastrikti ki pi solid ki sipòte kwasans san parèy n ap fè eksperyans nan Vil Utica. Avèk patnè nou yo nan gouvènman eta a, n ap fè vil nou an pi an sekirite ak pi rezistan epi n ap kreye travay ki byen peye nan pwosesis la. Mwen ta renmen remèsyé Gouvènè Hochul paske li kontinye envesti nan zòn nou an epi mwen espere kontinye bati yon New York ki meyè, ki pi solid ak yon Utica ki meyè ak pi solid".

Pou jwenn dènye enfòmasyon sou kondisyon sikilasyon ak vwayaj yo, rele 511, vizite www.511NY.org oswa telechaje aplikasyon mobil gratis 511NY la. Sistèm sou entènèt la ak aplikasyon mobil la gen ladan yon kat wout eta a, ki endike ki wout ki gen kondisyon nèj ak ki kote kondisyon yo nòmal.

Swiv DOT Eta New York nan Twitter: [@NYSDOT](https://twitter.com/NYSDOT). Jwenn nou sou Facebook nan facebook.com/NYSDOT.

###

Lòt nouvèl disponib sou sit www.governor.ny.gov
Eta New York | Chanm Egzekitif | press.office@exec.ny.gov | 518.474.8418